



JAVNI POZIV

o iskazivanju zainteresovanosti građana za projekat izgradnje septika za prihvatanje otpadnih voda koji će sufinansirati Općina Olova

Pozivaju se građani Općine Olovo da iskažu svoj interes o spremnosti sufinansiranja projekta izgradnje vlastitih septika za prihvatanje komunalnih otpadnih voda. Slijedeći politike zaštite okoliša, a posebno zaštite voda Općina Olovo spremna je sufinansirati ovu vrstu projekata zajedno sa građanima. Izrada projektne dokumentacije pada na teret Općine.

Općina Olovo pokrenula je projekat izgradnje septika otpadnih voda što prvenstveno doprinosi uspostavi ekološki prihvatljivog sistema prikupljanja i tretmana otpadnih voda. Neriješeno pitanje odvoda otpadnih voda značajan je problem s kojim se suočavaju građani Općine Olovo. Većina objekata nema riješenu odvodnju otpadnih voda, te se otpadne vode izlijevaju u neadekvatno izgrađene septičke jame. Septičke jame koje se koriste u svrhu odvodnje otpadnih voda su u velikom broju slučajeva neadekvatno izgrađene, što uzrokuje pojavu klizišta, izlivanje otpadnih voda na površinu, zagađenje podzemnih voda i vodotokova. Zdravlje stanovnika je u znatnoj mjeri ugroženo, a visok je stepen mogućnosti širenja zaraznih bolesti i epidemija.

Zainteresovani građani obavezni su popuniti prijavni obrazac sa svim relevantnim podacima koji se nalazi na šalteru Općine Olovo.

Poziv ostaje otvoren do 15.09.2023.godine.

